


BOSNA I HERCEGOVINA FEDERACIJA BOSNE I HERCEGOVINE UNSKO-SANSKI KANTON MINISTARSTVO UNUTRAŠNJIH POSLOVA		BOSNIA AND HERZEGOVINA FEDERATION OF BOSNIA AND HERZEGOVINA THE UNA-SANA CANTON MINISTRY OF THE INTERIOR
--	---	--

UPRAVA POLICIJE

Broj: 05-04/06-11-1091/23/AM

Datum: 02.10.2023. godine

Na osnovu člana 17. stav (3) i stav (4), člana 18. stav (1) i člana 90. Zakona o javnim nabavkama BiH („Službeni glasnik BiH“, broj: 39/14 i 59/22), te člana 26. Zakona o unutrašnjim poslovima Unsko-sanskog kantona (“Službeni glasnik Unsko-sanskog kantona”, broj 13/16 i 16/17), načelnik Sektora kriminalističke policije Uprave policije Ministarstva unutrašnjih poslova Unsko-sanskog kantona, **d o n o s i:**

**POSEBNU ODLUKU**  
**o pokretanju postupka nabavke putem direktnog sporazuma**

Član 1.

Odobrava se pokretanje postupka javne nabavke roba - opreme sa ugradnjom i instalacijom za uspostavu mrežne konekcije „bežični most“ između dvije lokacije za potrebe Uprave policije MUP-a USK-a.

Član 2.

Procijenjena vrijednost nabavke iz člana 1. ove odluke iznosi 2.500,00 KM (slovima: dvijehiljadepetstotina i 00/100 KM) bez PDV-a.

JRJN:

32420000-3 Mrežna oprema

Zakonski osnov za provođenje postupka javne nabavke predstavlja član 90. Zakona o javnim nabavkama BiH (Službeni glasnik BiH“, broj: 39/14 i 59/22).

Postupak nabavke putem direktnog sporazuma sprovest će se zaključenjem ugovora sa ponuđačem za predmetnu nabavku.

Član 3.

Sredstva za ovu nabavku obezbijedit će se iz budžeta Uprave policije Ministarstva unutrašnjih poslova Unsko-sanskog kantona za 2023. godinu.

Član 4.

Za realizaciju ove odluke zadužuje se Sektor za materijalno-finansijske poslove i informacijsko-komunikacijske tehnologije Uprave policije Ministarstva unutrašnjih poslova Unsko-sanskog kantona.

Član 5.

Ova odluka stupa na snagu danom donošenja.

**O b r a z l o ž e n j e**

Zbog prekida mrežne konekcije između zgrada „Oslobođenje“ u kojoj je smješten Sektor za finansijsko-računovodstvene i analitičke poslove i zgrade u kojoj se nalazi server za kadrovske, materijalne i knjigovodstvene poslove, odnosno zgrade sjedišta Uprave policije i Ministarstva unutrašnjih poslova USK, a čiji je uzrok kvar i dotrajalost postojeće opreme (antena) koje su služile za uspostavu „bežičnog mosta“ između dvije navedene zgrade, neophodna je nabavka novih antenskih uređaja sa popratnom opremom i ugradnja i instalacija istih.

Članom 17. stav (1) Zakona o javnim nabavkama BiH („Službeni glasnik BiH“, broj 39/14 i 59/22) predviđeno je da ugovorni organ započinje postupak javne nabavke ako je nabavka predviđena u planu nabavki. Stavom (3) istog člana definisano je da izuzetno od stava (1) ovog člana, za nabavke koje nisu predviđene u planu nabavki ugovorni organ donosi posebnu odluku o pokretanju postupka javne nabavke, kojom mijenja plan javnih nabavki. Posebna odluka o pokretanju postupka javne nabavke sadrži podatke iz plana nabavki.

S obzirom da predmetna nabavka nije predviđena u Planu javnih nabavki Uprave policije Ministarstva unutrašnjih poslova Unsko-sanskog kantona za 2023. godinu broj: 05-04/06-11-414/23/RS od 03.05.2023. godine, Ugovorni organ će objaviti dopunu Plana javnih nabavki na Portalu javnih nabavki u skladu sa članom 17. stav (7) Zakona o javnim nabavkama BiH.

Uzimajući u obzir da se u postupcima javnih nabavki čija procijenjena vrijednost iznosi više od 1.000,00 KM bez PDV-a obavezno zaključuje ugovor o nabavci u skladu sa Pravilnikom o javnim nabavkama Ministarstva unutrašnjih poslova Unsko-sanskog kantona i Uprave policije Ministarstva unutrašnjih poslova Unsko-sanskog kantona („Službeni glasnik Unsko-sanskog kantona“, broj: 09/23), odlučeno je kao u članu 2. ove Odluke.

Na osnovu utvrđenog činjeničnog stanja, odlučeno je kao u članu 1. ove Odluke.

Dostavljeno:

1. Sektor za mat.-fin. poslove i IKT (za objavu)
2. a/a

NAČELNIK SEKTORA  
KRIMINALISTIČKE POLICIJE  
samostalni inspektor  
Jusuf Mešić